

ASSEMBLEA



di i ZITELLI



@assembleadicorsica

Cosa hè a Cullettività di Corsica ?



A Cullettività di Corsica hè un'istituzione chì gestisce è difende l'interessi di a Corsica è di i Corsi. Addunsice e competenze di e regioni (cum'è i trasporti sculari) è di i dipartimenti (cum'è a costruzzione di i culleghji) è e competenze ch'ella hà in particolare (per esempiu per a prumuzione di a lingua corsa).

Hè cumposta di 5 organi :

- L'Assemblea di Corsica
- U Cunsigliu esecutivu di Corsica
- L'organi consultativi :
 - U Cunsigliu Economicu, Sociale, Ambientale è Culturale di Corsica
 - a Camera di i Territorii
 - L'Assemblea di a Giuventù

L'Assemblea di Corsica

L'Assemblea di Corsica hè u Parlamentu di a Corsica.

I Cunsiglieri à l'Assemblea di Corsica sò in numeru di 63, eletti per 6 anni.

L'Assemblea di Corsica sede à Aiacciu. Pò ancu urganizà e so riunioni, s'ellu ci hè l'accordu di l'eletti, in ogni altru locu di l'isula.

Ella gestisce l'affari di a Corsica, vale à dì chì piglia decisioni in tutti i duminii di competenze di a Cullettività di Corsica.

L'Assemblea di Corsica s'addunisce ogni mese è sessioni straordinarie ponu esse aghjunte sicondu l'attualità.

Infine, e sessioni sò pubbliche : pudete assisteci.





A Presidente di l'Assemblea di Corsica

A Presidente di l'Assemblea di Corsica hè eletta per sei anni trà i Cunsiglieri.

A Presidente stabilisce e date è l'ordine di u ghjornu di e sessioni, dopu avè consultatu i cunsiglieri eletti. Ella riparte i raporti trà e diverse Cummissioni è dirige i dibattiti di l'Assemblea di Corsica.

A Presidente hà sola a pulizza di l'Assemblea in l'internu di quella.

Cum'è u Cunsigliu esecutivu, ella pò prupone raporti chì trattanu di sughjetti di a so scelta.

Sbucinera d'una sessione di l'Assemblea di Corsica



1 - E dumande urale

L'eletti ponenu dumande à u Cunsigliu esecutivu nantu à l'attualità o messa in ballu di e competenze di a Cullettività.



2 - L'esame di i raporti

L'Assemblea discute (discussione, mudificazioni eventuali è votu) nantu à i rapporti presentati da u Cunsigliu esecutivu.



3 - E muzione

L'eletti ponu prupone testi nantu à i sughjetti chì cunsidereghjanu impurtanti, affinchì l'Assemblea di Corsica pigliessi pusizione.

Urganizazione di i travagli

Gruppi pulitichi

I membri di l'Assemblea di Corsica ponu addiniscè si in gruppi pulitichi: si tratta di riunisce trà eletti chì anu e listesse idee pulitiche è prufittà cusì, in particolare, di i mezi in lochi, materiali è persunale.

Cumissioni

Prima d'esse esaminati da l'Assemblea di Corsica, i raporti sò studiati da e cumissioni, induve l'eletti ponu in particolare interrughà u Cunsigliu esecutivu è/o i servizii di a Cullettività.




U Cunsigliu esecutivu di Corsica

U Cunsigliu esecutivu hè u governu di a Corsica : dirige l'azzioni di a Cullettività.

Hè cumpostu da un presidente, ingiratu di dece membri. Ognunu di elli hè incaricatu di una competenza specifica, cum'è l'ambiente, i trasporti, o a ghjuventù.

U Cunsigliu esecutivu appronta i cartulari relativi à ogni tematica è i sottumette à l'Assemblea di Corsica.

Dopu, hè incaricatu di mette in opera e deliberazioni di l'Assemblea di Corsica.



U Presidente di u Cunsigliu esecutivu di Corsica

U Presidente di u Cunsigliu esecutivu di Corsica ripresenta a Cullettività in tutti l'article di a vita civile. Què significa ch'ellu porta l'azzioni in nome di a Cullettività (per esempiu davanti à a ghjustizia).

Hè u capu di i servizii di a Cullettività.

Pò fà à u Primu ministru qualsiasi suggerimentu o rimarca nant'à u funzionamentu di i servizii publichi di u Statu in Corsica.

Infine, ogni annu, rende contu à l'Assemblea di Corsica di a situazione di a Cullettività, cù un rapportu spciale.



L'urgani cunsultativi di a CdC

Un organu cunsultativu hà per missione di schjarisce o cunsiglià l'eletti nanzu ch'elli piglinu una decisione.



U CESEC

Compositu di 63 membri, u Cunsigliu ecunòmicu, suciale, ambientale è culturale ripresenta a sucetà civile (l'associi, i sindacati...).

A Camera di i Territorii

Permette à a Cullettività di Corsica di travaglià cù l'altre cullettività (cumuni, cumunità di cumuni...).

L'Assemblea di a Giuventù

Cumposta di 62 ghjovanni è prisidata da a Presidente di l'Assemblea di Corsica, pò intervene nant'à tutte e quistioni chì riguardanu a Corsica.

L'ASSEMBLEA DI I ZITELLI



L'Assemblea di i zitelli hè un prughjettu destinatu à i sculari di CM1 à a 5a, urganizatu da l'Assemblea di Corsica è u Cunsigliu esecutivu di Corsica, in partenariatu cù u Retturatu d'Accademia.

À traversu sta iniziativa, i giovani Corsi scoprenu u funzionamentu di l'Assemblea di Corsica è sò incuragiti à riflette annantu à i sfidi di a sucetà in la quale campanu.

Hè cumposta da 62 membri, eletti in e scole è i cullegi secondu u principiu di parità, è hè presidata da a Presidente di l'Assemblea di Corsica.



I temi di l'Assemblea di i Zitelli

E classi travaglianu, à scelta, annantu à unu di i temi seguenti :

- 1 - A vita à a scola / in u collegiu
- 2 - U benistà, u sport, i passatempì è a salute
- 3 - L'ambiente è a cultura
- 4 - I cittadini in Corsica, in Europa è in u mondu
- 5 - A Corsica chì vogliu in u 2050



A sbucinera di i travagli in classa

1 - E candidature

I stabilimenti anu sin'à u 31 di ghjennaghju per mandà e so candidature à u Secretariatu generale di l'Assemblea di Corsica.

2 - L'elezzione di i delegati

Ogni classa eleghje dui delegati, secondu u principiu di parità. Sti delegati riprisenteranu l'istituzione durante a sessione plenaria di l'Assemblea di i zitelli.

3 - E dumande è e muzioni

Ogni classa duverà prудuce una dumanda per a Presidente di l'Assemblea di Corsica è una per u Presidente di u Cunsigliu esecutivu di Corsica, cusì cum'è un prughjettu di muzione.

4 - U prughjettu creativu

E classi sò invitate à sviluppà prughjetti culturali (canzone, puesia, filmettu, disegnu...) annantu à u listessu tema di e dumande è mozioni.




I travaglii devenu esse trasmessi à u Secretariatu generale di l'Assemblea di Corsica à u più tardi à a vigilia di e vacanze di veranu.


E visite

Duranti u periodu di travaglii preparatori, serà pussibile di fà visite guidate di u Gran'Palazzu di a Cullettività di Corsica è di l'emiciculu è/o d'assiste à una sessione di l'Assemblea di Corsica.

E dumande devenu esse fatte à u Sicritariatu Generale di l'Assemblea di Corsica.



A sessione di l'Assemblea di i Zitelli



L'Assemblea di i zitelli s'addunisce in sessione plenaria in u cursu di l'ultimu trimestre di l'annata scolare.

Sta ghjurnata si svilupperà in dui tempi :

Matina

Principierà cù una visita di i locali è di l'emiciculu. Dopu, i delegati seranu spartuti in cumissioni per studià i prughjetti di muzione.

Dopu Meziornu

Dopu i discorsi di i Presidenti, i delegati faranu e so dumande urali. Pruponeranu tandu e so muzione è procederanu à u votu per stabilisce a classificazione finale.

Dopu à l'Assemblea di i Zitelli...

A muzione vincitrice serà ripresa da l'eletti rifarenti, chì a prisentaranu à nome di l'Assemblea di i Zitelli durante a prussima sessione di l'Assemblea di Corsica. Stu testu sarà tandu sottumessu à una prucedura d'esame identica à quella di ogni altra muzione.

A classe vincitrice serà invitata à assiste à u votu di l'Assemblea di Corsica nantu à stu testu.



UN ESITATE PIÙ,
PARTECIPATE!

